



# Վահան Տերյան

## Աշնան տրտմություն

Il pleure dans mon cœur  
Comme il pleut sur la vil e...  
Paul Verlaine

Կրկին իմ հոգում  
Իջավ մշուշոտ, արցունք անձրևոտ  
Տրտում իրիկուն.  
Իմ սրտում անցավ  
Մահացող ծաղկանց բույրը ցավ բերող,  
Համբույրը խոնավ.  
Կրկին պաղ միգում  
Ամպոտ երկինքը մեռած լույսերի  
Թաղումն է սգում:  
Հողմը սրարշավ  
Հոգուս դալկացած ծաղիկ հույսերի  
Թերթերը տարավ...  
Անշատման ցավոտ  
Ձայներ դողացին ու հեզ դալկացան  
Հեովում անձանոթ.  
Կրրակներն անձայն  
Լացող ամպերի միգում անսահման  
Թռչնեցի՛ն, անցա՛ն.  
Անձրևն անընդհատ

Մաղուն է վհատ թաղումի կոծով,  
Տխուր, հուսահատ...  
Իմ հոգու մեջ է՛լ  
Աշուն է իջել անամոք լացով,  
Իմ հոգու մեջ է՛լ...

1907